



Mynd i Lys Ynadon

Gwybodaeth ar gyfer pobl gydag
anableddau dysgu



Os yw'r heddlu'n meddwl eich bod wedi gwneud rhywbeth
o'i le, bydd rhaid i chi fynd i lys yr ynadon.

Gofynnwch i rywun eich helpu gyda'r wybodaeth sydd
yn y llyfryn hwn.

Mae'r daflen hon yn dweud wrthyhch yr hyn fydd yn digwydd pan fyddwch yn mynd i'r llys ynadon.



Yr heddlu fydd yn dweud wrthyhch ba bryd fydd rhaid ichi fynd i'r llys. Efallai y dymunwch siarad â chyfreithiwr.

Efallai y cewch hefyd lythyr yn dweud wrthyhch ba bryd fydd rhaid ichi fynd i'r llys.



Cewch fynd â gofalwr, ffrind neu berthynas gyda chi i'r llys.

Pan ewch i mewn i'r llys, bydd person diogelwch eisiau gweld beth sydd gennych yn eich pocedi.

Efallai y byddant yn gofyn ichi adael eich pethau gyda hwy. Fe'u cewch yn ôl pan fyddwch yn gadael y llys.



Bydd y person diogelwch yn defnyddio datgelydd metel.

Bydd yn defnyddio hwn er mwyn gweld a oes gennych rywbeth a all eich niweidio chi neu niweidio pobl eraill.

Daw tywysydd i'ch cyfarfod chi.
Rhaid ichi roi eich enw i'r tywysydd.
Mae'r tywysydd yno i'ch helpu chi.



Bydd y tywysydd yn gofyn a oes gennych chi gyfreithiwr.
Rhowch enw eich cyfreithiwr i'r tywysydd.
Os nad oes gennych chi gyfreithiwr, gellwch ofyn am siarad
â'r cyfreithiwr ar ddyletswydd.

Ni fydd rhaid ichi dalu o gwbl i siarad â'r
cyfreithiwr ar ddyletswydd.



Efallai y bydd rhaid ichi ddisgwyl i weld y cyfreithiwr.
Mae ardal aros yn y llys lle gellwch brynu bwyd a diod.

Bydd eich cyfreithiwr yn siarad â chi yn breifat am eich
achos. Caiff eich gofalwr, eich ffrind neu eich perthynas
aros gyda chi.



Dylech ddweud wrth eich cyfreithiwr os ydych yn meddwl
eich bod chi wedi gwneud rhywbeth o'i le.
Bydd eich cyfreithiwr yn eich helpu i benderfynu a ddylech
chi bledio'n euog neu'n ddiheuog.
Mae pledio'n euog yn golygu eich bod chi wedi gwneud
rhywbeth o'i le.

Efallai y bydd rhaid i chi ddisgwyl cyn i chi gael eich galw i
mewn i'r ystafell llys.



Efallai bydd rhaid i'ch cyfreithiwr helpu pobl
eraill hefyd.

Pan glywch eich enw yn cael ei alw, dylech fynd i mewn
i'r ystafell llys. Cewch fynd â'ch gofalwr, eich ffrind
neu eich perthynas i mewn gyda chi. Gofynnwch i'r
tywysydd os nad ydych yn siŵr o unrhyw beth.



Yn yr ystafell llys, bydd yr ynadon yn eistedd y tu ôl i
ddesg fawr.

Yr ynadon yw'r bobl fydd yn penderfynu a ydych chi
wedi gwneud rhywbeth o'i le.



Y cynghorydd cyfreithiol fydd yn eistedd o flaen yr
ynadon. Bydd y cynghorydd cyfreithiol yn dweud
wrthydd chi ble y dylech sefyll.

Rhaid i chi ddweud y canlynol wrth y cynghorydd cyfreithiol

Eich enw

Eich dyddiad geni

Ble rydych yn byw



Efallai y bydd y cynghorydd cyfreithiol yn gofyn ichi a ydych yn euog neu'n
ddieuog.

Bydd yr erlynydd yn yr ystafell llys hefyd. Efallai y bydd yn dweud wrth y llys
pam ei fod yn meddwl eich bod yn euog

Bydd eich cyfreithiwr yn yr ystafell llys i'ch helpu.
Gellwch ofyn am siarad â'ch cyfreithiwr ar unrhyw adeg.



Ar brydiau, fe fydd aelodau o'r cyhoedd yn eistedd yng nghefn yr ystafell llys

Efallai y bydd rhaid i'ch cyfreithiwr a'r erlynydd siarad gyda phobl eraill am eich achos



Efallai y bydd yr ynadon yn dweud wrthyhych y bydd rhaid ichi ddod yn ôl i'r llys ar ddiwrnod arall.

Efallai bydd yr ynadon yn rhoi mechniaeth (bail) ichi.
Mae hyn yn golygu y cewch chi fynd adref.
Bydd yr ynadon yn dweud wrthyhych chi beth mae'n rhaid i chi ei wneud, a beth nad ydych chi i'w wneud.



Os na wnewch yr hyn a ddywed yr ynadon, gall yr heddlu eich arestio chi.

Os ydych chi wedi dweud eich bod yn ddieuog, bydd rhaid ichi ddod yn ôl i'r llys ar ddiwrnod arall.

Mae hyn yn cael ei alw'n dreial.

Fe wnaiff eich cyfreithiwr esbonio hyn ichi.

Yn y treial, gallwch ddweud pam eich bod yn ddieuog.

Yr ynadon fydd yn penderfynu a ydych yn euog neu'n ddieuog.



Os bydd yr ynadon yn dweud eich bod yn ddieuog, cewch fynd adref.

Os ydych chi neu'r ynadon wedi dweud eich bod yn euog, yna bydd yr erlynydd yn esbonio'r hyn rydych chi wedi ei wneud o'i le.

Bydd eich cyfreithiwr yn dweud wrth yr ynadon pam rydych chi wedi gwneud rhywbeth o'i le.

Bydd yr ynadon yn dweud wrthyh chi beth fydd yn digwydd nesaf.



Efallai y bydd rhaid ichi dalu rhywfaint o arian am eich bod chi wedi gwneud rhywbeth o'i le.

Mae hyn yn cael ei alw'n ddirwy.

Efallai y bydd rhaid ichi wneud rhywfaint o waith am ddim.



Efallai y bydd rhaid ichi gyfarfod â swyddog prawf



Efallai y bydd rhaid ichi aros adref yn ystod y dydd neu'r nos a gwisgo rhywbeth o gwmpas eich coes. Mae hwn yn cael ei alw'n Tag.



Os ydych chi wedi gwneud rhywbeth mawr o'i le, efallai bydd yr ynadon yn dweud wrthyich chi na chewch chi fynd adref.

Efallai bydd rhaid ichi fynd i ysbyty diogel.



Efallai bydd rhaid ichi fynd i'r carchar.


Datblygwyd y daflen hon mewn partneriaeth â

- Gwasanaeth Anableddau Dysgu CWP(The CWP Learning Disability Service)
- Gwasanaeth Llysoedd a Thribiwnlysoedd EM
- Ynadon Heddwch
- Ymddiriedolaeth Prawf Sir Gaer
- G4S

Ysgrifennwyd y daflen hon hwn fel parhad i daflen 'Going to the Police Station' a ddatblygwyd gan Heddlu Sir Gaer.

Ymgynghorwyd hefyd ar gynnwys y daflen hon gyda defnyddwyr y Gwasanaeth a oedd wedi cael profiad o fynd i lys ynadon.

Mae'r daflen hon ar gael mewn ieithoedd a fformatau eraill



Am fwy o wybodaeth gweler www.cwp.nhs.uk.

© CWP NHS FoundationTrust

Roedd yr wybodaeth yn y daflen hon yn ddilys ar ddyddiad ei chynhyrchu **Mai 2012**, ac mae i'w hadolygu ym mis **Mai 2014**.

Cod y llyfryn: E-GMC-11-502